



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 3

Yangia anidakangma :

f Tir Yimiyim

tiryimiyim@aolima

tir yimiyim

TAPAK 10

Guwahati nung shishilembar
Abhijit Goswami soset

BWF World Tour Finals:
Sindhu final-i iogo



VOL. XIX NO. 58 (ADOK 58)

DIMAPUR

AMUNGNÜ (SUNDAY) LUCHII (DECEMBER) 05, 2021

₹ 5.00

Nagaland CM Rio-i Defence Minister Rajnath den ajurutep



Neiphiu Rio-i Union Defence Minister Rajnath Singh den ajurutepdang tangokba noksa nung angur.

New Delhi, December 4, 2021

(Agencies): Honibarnü Nagaland Chief Minister Neiphiu Rio-i Union Defence Minister Rajnath Singh den ajurutep.

"Ni pa den Kohima nung kanga tongtipang Ceithu Airport atema teyari meshi. Maneni, ni pa den Border Roads Organisation kübok Bokajan-Botsa Road tekara nung yanglutsü atema jembitep" ta

CM Rio-i metetdaksü.

Hombarnü Rajnath-isa Arunachal Pradesh Chief Minister Pema Khandu aser state ketdangsurtem den ajurutepa senden amen.

Mongulbarnü Lok Sabha nung Defence Minister Rajnath-i 'Developments on our borders in Ladakh' onük jembitsüba lia tanü sendentem menogo.

COVID-19 Nagaland: 6 dak putet & 1 anep

Kohima, December 4, 2021 (TYO): Nagaland nung Honibarnü nisung 6 dak COVID-19 putet aser nisung ka taneptsü angu.

"Tanü putetertemj Dimapur nung nisung 5 aser Kohima nung 1 lir" ta Integrated Disease Surveillance Project atema State Nodal Officer, Dr Nyanthung Kikon-i ashi.

Taoba ghonda 24 tsüingda Kohima nung nisung ka taneptsü angu aser iba nisung züingsema taneptsü angur ajak agi 30,246 kümogo, ta pai ashi.

Tang nisung 126 anepaludar saka parnok 101 dakbo shirangba yimya kecha mali, ta paisa shisem.

"Hokolbar tashi nung nisung 742,685 nem COVID-19 vaccine indang dose 12,96,072 agütsüogo" ta State Immunization Officer, Dr Ritu Thurr-ia ashi.

"Vaccine agirtemji frontline workers 60,982, healthcare workers 15,999, arishi küm 45 ser tempur 210,012 aser arishi küm 18 nungi 44 tsüingda alir 455,692 lir" ta paisa metetdaksü.

"Vaccine agirtem rongnungi nisung 553,387-i dose anaprong agiogo. Parnokji frontline workers 48,539, healthcare workers 13,515, arishi küm 45 ser tempur 173,978 aser arishi küm 18 nungi 44 tsüingda alir 317,352 lir" ta Dr Thurr-isa ashi.

India nung Omicron variant lir

New Delhi, December 4, 2021 (Agencies): India nung tangalen maoker nisung dak Omicron variant aliba putetba ajanga iba virus ya airports nungi arur masü saka linük tonga aliba sayur, ta taoba CSIR-CCMB director Dr Rakesh Mishra-ia ashi.

"Ajisüaka, osang tajung kaji Omicron variant ajanga balaka meshiranger, anungji kanga züba menatepaka, tang tashi nungbo timtem balaka magütsü lir" ta Dr Rakesh-ia ashi.

Hyderabad nung amenoka aliba Centre for Cellular and Molecular Biology (CCMB) ya life sciences research institute ka lir aser India sorkari tentetba Council of Scientific and Industrial Research (CSIR) kübok inyaksangshir.

Taoba Brihostibarnü India nung mezüng Omicron variant putetbaji Bengaluru nung nisung ana dak liasü. Ajisüaka, tena rongnung arishi küm 46 tain doctor ji ainleni mao.

"Iba ajanga Omicron variant ya airports ajanga bendanglen nungi aruba masü ta sayur. Iba tetezü Omicron variant ya India tongadokogo. Asenoki iba variant angateta bushiteptsü. India nung tongti yimitem nung iba

variant alitsü" ta Dr Mishra-isa metetdaksü.

"India nung iba variant lirji kanga junga bushitsüla aser genome sequencing asütsüla. Külen, iba variant liaka mozü kidang amonger aser nisung asür teimba makümba atema asenok tajung bilemetsüla" ta paisa ashi.

"Iba variant yagi kangabo timtem magütsür süra, temoatsü ka lir kechiyong iba ajanga asenoki India nungeri Covid inyakyim mebeshii aruba tanaben beshitsü tenzükgogo" ta Dr Mishra-isa ashi.

"Face mask enokba, nisung tsüingda tepila ayuba aser teka merüka ayuba ya kanga tongtipang lir" ta paisa shisem.

"Vaccine ya helmet mesüka lir. Helmet ajanga lendong menokdangtetba ama vaccine-ia Covid-19 menaba nungi kümzüka meyteter. Ajisüaka, vaccine aser helmet anaprongi asenok mozü kidang amongtsüsa tensa aser tasüba nungi kümzüka ayur" ta Dr Mishra-ia metetdaksü.

"Vaccine agiba ya asen sobaliba nung shilem ka asütsüla. Nisung kari vaccine magira, iba nisung jagi virus pusemer ta züingshitsüla aser sobaliba memetet ta asütsüla" ta paisa ashi.

Centre-i state 5 aser UT 1 dang kümdangtsü metetdaksür
India nung nisung 4 dak Omicron variant putetogo

New Delhi, December 4, 2021

(Agencies): Centre-i Honibarnü Odisha, Karnataka, Kerala, Tamil Nadu, Mizoram aser Union Territory of Jammu & Kashmir dangi shidi ka nung anogoshia Covid putetba atema tebilemetsü abenba aser Omicron variant ajanga lendong bentsür arutsüba indang shiogo.

Union Health Secretary Rajesh Bhushan-i sign asüba shidi nung state aser UT sorkartem dang bendangertem aruba (talisa 'at risk' countries) mita reprangtsü tetuyuba agütsüogo.

Centre-isa state pungu aser UT ka dang hotspots nung tenük yoktsü aser Covid putetba nisung ajak indang sample genome sequencing atema agütsütsü tetuyuba agütsüogo.

India nung taküm May ita nungi Covid wara tanabuba adokba sülen anogoshia nisung lakh pezü tema daksa COVID-19 puteta aru. Ajisüaka, taoba ghonda 24 tsüingda India nung nisung 9,000 den tajemba dak

COVID-19 puteta liasü. Tang linük nung COVID-19 puteta anepalur nisung lakh 1 majung lir.

Nübertem nem vaccine agütsüba ajanga Covid putetba ajema akümer. Ajisüaka, tang Omicron variant putetba ajanga khuret tuluba bentsür aruogo aser medical experts o virologists ajanga Delta strain dang nungibo Omicron variant ya tamajungba menateper ta shiogo.

Nisung 2 dak Omicron variant putet:

Honibarnü India nung nisung ana dak Omicron variant aliba putetogo. Kaji arishi küm 72 tain Gujarat nung ka lir aser pa ya Zimbabwe nungi aruba liasü.

"Onoki pa balaka yua lir aser reprangdar. Iba atema micro containment zone ka yangluogo aser nisungtem bushitepa tendangtsü" ta Additional Chief Secretary, Health and Family Welfare Department, Gujarat, Manoj Aggarwal-ia ashi.

Ano külen, Maharashtra nunga South Africa nungi arur ka dak Omicron variant aliba

putetogo.

Arishi küm 33 tain tebur ya Thane district kübok Kalyan-Dombivli nung alir.

"Tawa South Africa nungi arur ka dak Omicron variant aliba putetogo" ta Honibarnü Maharashtra health department-ia ashi.

"Arishi küm 33 tain nisung ya November 24 nü South Africa kübok Cape Town nungi Dubai ajanga Delhi-i aruba liasü. Pai vaccine ka danga magi lir. Pa den high-risk contacts nisung 12 aser low-risk contacts 23 bushitetogo aser parnok ajak dak COVID-19 negative putetogo" ta parnokisa metetdaksü.

Taoba Brihostibarnü India nung mezüng atema nisung ana dak Omicron variant aliba puteta liasü. Tenaji South Africa nungi Karnataka-ia aruba liasü. Tena rongnung arishi küm 66 tain tebur ka liasü aser Bengaluru nung arua anenzükba sülen Dubai-i jena ao. Nisung tanabubaji arishi küm 46 tain doctor ka lir.

Australia-i Agri & Allied sector nung Nagaland yaritsü: Dy Consul General



Deputy Consul General, Australia, Daniel Sim, Kohima, December 4, 2021

(TYO): Nagaland nung Agriculture aser Horticulture renloksü atema Australia-ia yariteptsü aser Mokokchung district nung horticulture project ka tenzüksü ta Australian Deputy Consul General, Kolkata, Daniel Sim-ia ashi.

Naga Heritage village Kisama

nung Hornbill festival anogo pezübuba nung 'cultural connect' sentong alidang Daniel Sim-ia iba osang metetdaksü. Iba sentong nung pa tetushi süa jaoker ka ama shilem agia liasü.

Kolkata nung aliba Australian consul ajanga Eastern aser North East India den nisung o nisung, sobaliba aser shishilembaba tesentakteptem ayutsü alizüng yua lir, ta pai ashi.

Iba mapa ajanga Australia aser Nagaland nung alirtem aser ano India ajungalen alirtem tsüingda amalitep alitsü ta Daniel Sim-isa metetdaksü.

"Hornbill Festival ajanga sobaliba temeyoktep aser takar aliba sayur aser talisa iba benjung ajanga alima dang Naga otsü ashir" ta pai ashi.

"Iba ya benjung balaka lir aser kanga takok ngua amonger.

Australia-ia alima nung nungtugu Hornbill Festival aser Naga nung sobaliba aser senmang metetogo" ta Daniel Sim-isa ashi.

Paisa Naga nung art, music, architecture, textile and handicraft, film aser literature tali metettsü jangraba shisem.

Tanep agiba sentong nung tetushi süa jaokerji Director General of Assam Rifles, Lt. Gen PC Nair liasü aser paia Hornbill ya khenyongi benjong balaka lir ta ashi.

Iba benjong ajanga domestic aser foreign tourists nem Naga kin balala indang sobaliba reprangdaksür ta Lt. Gen PC Nair-isa ashi.

Tanü anogo pezübuba nunga Naga kin 17 nungi y a r t s ü n g s a n g e r t e m i tesemdangertem kanga jangratemdaksüogo.

CSO Mangkolemba-i lungkak aitba shilem tasembuba tenzüksü

Dimapur, December 4, 2021 (TYO): December 4, 2021 nü Civil Society Organisation (CSO) Mangkolemba ajanga senden ka ayonga amendang lungkak aitba shilem tasembuba agitsü lemtetogo.

CSO-i September 26, 2021 nü state sorkar dang Mangkolemba-Longnak (11km) road, kilentzü aodak aser aputem yanglutsü atema mapang

latettsüba indang onük tanü senden nunga benoka lemsatetep.

Mangkolemba CSO temi lungkak aitba shilem anaben tashi ayonga agiaka state sorkar nungi telangzüba tajung kecha maliba ajanga lungkak aitba shilem tasembuba agitsü bangemtepogo, ta Convenor, CSO I Tia Jamir aser Secretary Wapongtoshi nati sangdong ka nung ashi.

Iba senden nung Jangpetkong

Students Conference Tir Sennangba Longchar aser pa den külem inyakerkem, Japukong Students Conference Tir Pangerwati Walling aser, Tzurangkong Students Conference Tir Imlisunep Longkumer aser pa den külem inyakerkem, Mangkolemba Town Students Union, Mangkolemba Ao Lanur Telongjem aser All Ward Council züingsemtem aden.

Kisama nung sobaliba sentong agi



December 4, 2021 nü Kisama nung kin balala sobaliba tsüngsangertem külemi tangokba noksa nung angur.

Dimapur, Luchii/December 4 (TYO): Hornbill benjung anogo pezübuba nung 'Cultural connect session'- MuloPhe sentong agiba mapang Naga nung kin balalai sobaliba tsüngsang, ken aser saisapong balala sayaogo.

Sobaliba sentongtem rongnung KongkikTokyubü (Mouth organ), RongDea (Stone lifting), An TepongRaka (Cock fight), YamkeJihang (Peace treaty dance), Tatipfe (folk song), Ok-puMongme-puOngpu (Folk dance on victory), Ham Teuk (Baking traditional earthen pots) aser Sharise (Folk dance) nung densema liasü.

Iba sentong nung AVSM, YSM, DG Assam Rifles Shillong, Lt. Gen PC Nair tetushi tesemdang asü aser

Minister of Tourism and Art & Culture, H. Khehovi Yephthomi, Minister and Advisor Horticulture, Mhathung Yanthan na host asü. Iba sentong nung tanga delegate tem, alima penzüertem aser tesemdangertemi repranga liasü.

O tatsüka jembiba mapang Nair-i, Hornbill ya benjung balaka lir aser domestic aser bendanger alima penzüertem atema kin balala indang sobaliba reprangtsü atema sabang tajung ka ta ashi.

Nikongtsütsü sentong nung Deputy Consul General, Australia, Daniel Sim tetushi tesemdang liasü. Pai, Australia-i, alima ajunga nung nungtugu Hornbill benjung aser Naga nungertem takar sobaliba agizüker, ta ashi. Paisa, iba

benjung ajanga state indang sobaliba balala sayur aser tongtibangsa iba benjung ajanga Nagaland indang otsü alima dang ashir, ta ashi. Maneni pai, art, kenten menu, architecture, textile aser handicraft, film aser literature ajanga Naga nung tali jangjaa metettsü atema janjar aser sobaliba aser shishilembaba tsütsü tesendaktep yanglutsü yongyaa atar, ta ashi.

Iba sentong nung telok balalai AloMudan (Folk dance), Phakensü (High Kicking), Daosri Delia (Folk dance), RangshiThahmilitaba (Indigenous game), Aki Kiti leg fightSupusu Spear Kicking, Kang-Kap (Indigenous game), Magubo (Howling) Chen Huma (Traditional archery game) sentongtem sayaa liasü.

NBSE-i Vidyanjali 2.0 indang metetdaksü

Dimapur, Luchii/December 4 (TYO): Nagaland Board of School Education-i sangdong ka ajanga Ministry of Education, Department of School Education & Literacy, Government of India-i Vidyanjali 2.0 sentong amenokba, board kübok züngoksema aliba Institution tekolak ajak nem metetdaksüogo.

Vidyanjali 2.0 ya school volunteer programme ka lir, koba lokti aser volunteer tem teyari ajanga school education jenjang ajungkettsü nükjidong nung amenok. Sentong kübok lokti aser volunteer temi sorkar aser sorkari teyari agütsüba school tem den indang indanga sendaktepa parnok shisatsü aser tasa lemsateptsü aser iba den assets/material/equipment ajanga teyari agütsütsü atema maongka agütsür.

Volunteer temi teyari agütsüba lenlatem rongnung, inter-alia, subject assistance, teaching yoga, art & craft, vocational skills, Divyang kaketshirtem nem teyari, adult education amala service tem, basic civil infrastructure, electrical infrastructure, digital

infrastructure, extra-curricular activities & sports atema hadirtem, yoga, health aser safety aids, teaching learning materials, maintenance & repairs, office stationary/furniture amala osettsü balala ajanga teyari densema lir. Assets/material/equipment teyari ya senotsü teyari masütsüla.

UDISE+ code aliba school temi Vidyanjali 2.0 portal nung züngoksemsüla aser service/activity mesera assets/material/equipment nungdabatem web portal nung post sütettsü. School-i mepeshiba dak ajemdaker Volunteer temi parnoki akokba lenla nung teyari ajunga, mesera tera teyari meshiba school nem agütsütsü.

Vidyanjali 2.0 portal ya <https://vidyanjali.education.gov.in> ajanga lapoktetsü aser iba dak sendakba nung mobile app ka yakta amenoktsü.

Anungji institution tekolak ajak dang iba sentong indang temulundang ayutsü aser pei school züngoksema teyari meshitsü aser iba sentong inyakim dak ajemdaker kija/lokti/NGO tem jaoktsü metetdaksüogo.

Metongshitsür

Dimapur, Luchii/December 4 (TYO): Osang kakettep nung "Governor extends financial support to wife of Martyred Jawan" ta aliba ya DC Mon, Thavaseelan K-i, asür Rfn N. Khatnei Konyak

kinungtsü nem sen lakh asem agütsü ta metongshia azüngtsüla. Maneni osang kakettep nung sen lakh ka agütsü ta sangdongba ama masü saka sen lakh asem ta metongshitsür.

Phek nung "The precious" video sayaogo



Razouvolie Dozo, Wetsho Lasushe aser DLCW- MSK, Phek ketdangsürtemi Hokolbarnü video sayaba noksa nung angur.

Kohima, Luchii/December 4 (TYO): Phek nung December 3 nü "The Precious" ta nungja agütsür video ka sayaogo. International day of Persons with Disabilities aser mata mabensar tetsürtem anem inyangshiba anendaksütsü atema anogo 16 sentong ayongzüka agiba nungtem nung iba inyakim ya benoka inyakogo.

Deputy Commissioner (DC) Phek, Razouvolie Dozo-i iba video ya sayaja liasü. Video sayaba sentong nung Extra Assistant Commissioner (EAC) aser Phek indang Beti Bachao Beti Padhao (BBBP) Nodal Officer Wetsho Lasushe aser District Level centre for Women (DLCW)- Mahila Shakti Kendra (MSK) (BBBP), Phek nung ketdangsürtemi shilem agi.

Sentong nung Deputy

Commissioner-i, nüburtem nem tangazükba tajung agütsütsü atema iba video yanglutsü apitetba atema sentong achaayanga inyakertem dang kanga pelaba lemsatep.

"The precious" video yangluba nükjidongji mata mabensartemi ajangshiba tetsükdaksütem tali tajungba angatetdaksütsü aser loktiliba, yimden yimsüsüba, rongsenketzung aser sobaliba inyakim nung parnok meraket, temeden ajungkettsütsü atema lir.

Iba video ya Phek District Administration & DLCW- Mahila Shakti Kendra (BBBP), Phek-i achaayanga yanglu koba BZ Entertainment Nagaland-i direct süa liasü. Video ya Youtube Channel mesera <https://youtu.be/imV2cl6qQrs> link ajanga reprangtetsü.

22nd EDITION
Hornbill
FESTIVAL 2021

Day 5
5th December

10:00 am
GUEST OF HONOUR
JUSTICE SUDHANSHU DHULIA
Chief Justice of Gauhati High Court.

SPECIAL GUEST
SHRI K.V RAMANAMURTHY
Chief General Manager (Operational)
Indian Oil Corporation Ltd.
Noonmati Guwahati.

HOST
MR. P. PAIWANG KONYAK
Minister,
Transport, Civil Aviation and Railways, Land resources.

MR. NEIKIESALIE NICKY KIRE
Advisor,
Urban Development and Municipal Affairs.

1:00 pm
GUEST OF HONOUR
SHRI B. B. SWAIN
Secretary,
Ministry of MSME, Government of India.

SPECIAL GUEST
SRI SURESH KUMAR, IRS
Director general (INV)
Income tax West Bengal, Sikkim and NER,
Government of India.

HOST
MR. S. PANGNYU PHOM
Minister,
Health & Family Welfare.

MR TOVIHOTO AYEMI
Advisor,
Power.

10:00 am – 12:00 noon & 01:00 pm – 02:30 pm: CULTURAL SHOW (Kisama Main Arena)
NAGALAND HONEYBEE DAY (Bamboo Pavilion, Kisama)

09:30 am – 04:00 pm: CITY TOUR (Kisama to Kohima)

06:00 am: DZUKOU EXPERIENCE (Kisama to Dzukou)

10:00 am – 04:00 pm: TOUPHEMA EXPERIENCE (Touphema)

10:00 am – 04:00 pm: PFUTSERO EXPERIENCE (Pfutsero)

GO GREEN CYCLE RALLY (Kisama)

07:00 am – 04:00 pm: HORNBILL WALKS (Phusachadu, Kigwema and Kohima 2nd WW Walk and Kohima)

10:00 am – 05:00 pm: THIRD NAGALAND FILM FESTIVAL Hornbill Edition (Capital Convention Centre)

10:00 am – 05:00 pm: HANDLOOM & HANDICRAFTS (Bamboo Pavilion, Kisama)

10:00 am – 04:00 pm: MYKI FESTIVAL Myki Fest Speech competition (Kisama.)

10:00 am – 04:00 pm: NAGA CHEF SEASON 8 (Kisama)

KING OF THE HILLS Kohima (Kohima)

10:00 am – 05:00 pm: CRAFTSCAPE (Outside Museum, Kisama)

10:00 am – 05:00 pm: LIVE DEMONSTRATION OF VARIOUS CULTURAL ITEMS (Kohima Village)

10:00 am – 05:00 pm: ARTIST CORNER (Kisama)

10:00 am – 05:00 pm: ARCHIVES SECTION & WW 2 MUSEUM (Kisama)

10:00 am – 05:00 pm: HORTISCAPE (Kisama)

04:00 pm: SALE OF AGRI PRODUCTS (Kisama)

10:00 am – 05:00 pm: ADVENTURE ACTIVITIES (Childrens Park, Kisama)

10:00 am – 05:00 pm: KIDS CARNIVAL (Childrens Park, Kisama)

10:30 am – 04:00 pm: HORNBILL INTERNATIONAL PHOTO FEST (Outside Museum, Kisama)

08:00 am – 07:00 pm: KHEZHAKENO PEOPLES FESTIVAL (Khezhakeno, Phek)

10:00 am – 08:00 pm: ART EXHIBITION – CUM – SALE (World War II Museum, Kisama)

05:00 pm – 09:00 pm: TRADITIONAL EVENING PARK (Kigwema)

05:00 pm: Caliban Stilwell Road (Reempa)

07:00 am: INDIGENOUS GO CART RACING (Kohima Town)

06:00 pm: Music Festival: DGP & MAHILA BAND (Main Arena Kisama)

12:00 Noon-08:00 pm: Hornbill Bamboo Carnival (Nagaland Bamboo Resource Centre, Dimapur)

06:00pm-09:00 pm: NIGHT CARNIVAL – 1, NIGHT CARNIVAL – 2, NIGHT CARNIVAL – 3, NIGHT CARNIVAL – 4 (Venue Kohima Town, BOC Junction, High School Jn. & Kohima Local Ground, Khuochiezie)

03:00 pm onwards: Pop-up & Concerts by imagi Nation (Reempa)

Assam sorkari 'Asom Baibhav, Asom Sourav & Asom Gourav' angurtem tenüing metetdaksü



Guwahati, December 4, 2021 (Agencies): Assam sorkari "Asom Baibhav, Asom Sourav & Asom Gourav" sempettem agütsütsü nisung 19 shimba osang metetdaksüo.

Honibarnü Assam chief minister Himanta Biswa Sarma-i parnok tenüing metetdaksü aser sempetji sangküm January 24 nü agütsütsü.

Ajisüaka, iba sülen nungibo item sempet asem ya Asom Diwas (December 2) nü

agütsütsü.

Industrialist aser Tata Group indang chairman Ratan Tata nem Asom Baibhav agütsütsü.

Assam sorkari agütsüba sempettem rongnung Asom Baibhav ya tematiba civilian award lir.

Ratan Tata-i Assam nung cancer treatment facilities tajungba kümdaksüba atema Asom Baibhav agütsütsü ta Assam CM-i ashi.

Asom Baibhav sempet nung

Rs 5 lakhs dena lir aser iba sempet angur nem sorkari taküm piyong medical treatment nung endokba sen agütsütsü.

Asom Sourav award nung Rs 4 lakhs dena lir aser iba sempet angurtem nem sorkari küm nung Rs 3 lakh tashi medical treatment agütsütsü.

Asom Gourav angur nem Rs 3 lakhs agütsütsü aser sorkari küm nung Rs 3 lakhs tashi medical treatment agütsütsü.

TSR jawan ana külem jawan-i khaset

Agartala, December 4, 2021 (Agencies): Honibarnep Tripura State Rifles (TSR) jawan ana külem jawan kati khaset.

Tripura State Rifles jawan kati injang mashi khatokdang jawan anaji khaset.

Iba lendong ya Sephajala district kübok ONGC GCS nung atalok.

Parnok ajak ya TSR indang 5th battalion nungi liasü.

TRS jawan jagi Tripura Police tsüingdang prangpong-injang bener arua pa sasa bendanga agütsü.

Tasür anaji Subedar Marka Singh Jamatia aser Naib Subedar Kiran Jamatia na ta jangaigo.

Külen, Tripura chief minister Biplab Deb-ia tasür kibong shia nem Rs 5 lakh teyari agütsütsü osang metetdaksüo.

"Tripura State Rifle jawan ana - Subedar Marka Singh Jamatia aser Naib Subedar Kiran Jamatia na tanü mapa inyakang asüba atema tetushi agütsür" ta CM Biplab Deb-ia ashi.

"Tripura sorkari tasür kibong shia nem Rs 5 Lakh agütsütsü lemtetogo. Parnokisa die-in-harness scheme kübok teyari angutsü" ta paisa metetdaksü.

Guwahati nung shishilembar Abhijit Goswami soset

Guwahati, December 4, 2021 (Agencies): Assam kübok Guwahati nung ajaki metata aliba shishilembar Abhijit Goswami soseta asü ta osang angazüker.

Abhijit dang Shanku Da ta ajar aser Nizarapar nung par kidang pa süngzü agi alenseter lia angu.

Pa ya Guwahati nung Alankar Hotel kibur lir aser

ano ajaki meteta aliba shishilembar Phani Sarma kinungtsü tedi lir.

Abhijit kinungtsü ya tang London nung oa lir aser la Guwahati-i meyipa arudar ta osang ajanga ashi.

Abhijit Goswami ya 1960 küm aso aser pa ya asür Kamala Kanta Goswami'er jabaso lir.

Pa Don Bosco School,

Guwahati nung azüing aser iba sülen Meghalaya yimtiba Shillong nung azüing.

Abhijit Goswami ya MIND India, Institute of Positive Mental Health and Research at Guwahati indang founder member aser secretary liasü.

Pa ya social entrepreneur aser life skills master trainer ka liasü. Pai pa kinungtsü den jala ana toksür alima nungi pilaogo.

Namchi jail nung nisung 65 dak COVID-19 putet

Gangtok, December 4, 2021 (Agencies): Sikkim kübok Namchi Central Jail nung puoka alir aser staff sentepa nisung 65 dak COVID-19 putet.

Hokolbarnü nisung 76 dak COVID-19 putetba nungi nisung 65 tashi Namchi Central Jail nungi liasü.

Namchi Central Jail ya

South Sikkim district kübok lir.

District administration-i COVID-19 azüoktsü atema mapa aika inyaker, ta Sikkim health department-i ashi.

LIST OF SELECTED PARTICIPANTS FOR STATE HANDLOOM EXPO AT URBAN HAAT, DIMAPUR, W.E.F 7TH TO 20 DECEMBER 2021

SL.NO	NAME OF PARTICIPANTS	ADDRESS
1	M/s. Anamika Ghosh	West Bengal
2	M/s. Soma Sarkar	Delhi
3	M/s. Panna	Delhi
4	M/s. Deepak Sejwal	Delhi
5	M/s. Uttam Kalita	Assam
6	M/s. Weave India	Assam
7	M/s. Jutikha	Sivasagar, Assam
8	M/s. Nirda Doley	Assam
9	M/s. Mejankari Multipurpose Producer Com. Ltd	Guwahati, Assam
10	M/s. Pramila Konwar	Lakhimpur, Assam
11	M/s. Anjana Pegu	Assam
12	M/s. Biswa Hira Baruah	Assam
13	M/s. Putile Deori	Guwahati, Assam
14	M/s. Lalita Patir	Lakhimpur, Assam
15	M/s. Kanika Choudhury Singha	Guwahati, Assam
16	M/s. M. Bijenti Chanu	Manipur
17	M/s. M. Ayingbi Chanu	Manipur
18	M/s. N. Sunita Devi	Manipur
19	M/s. K. Keinahanbi Devi	Manipur
20	M/s. B. Chaoba Devi	Manipur
21	M/s. Yimchalar's Collection	Dimapur
22	M/s. Alemia H	East Dimapur
23	M/s. Watikala	Dimapur
24	M/s. Kekhrrie	Dimapur
25	M/s. Tohoni Ayemi	Dimapur
26	M/s. Imtikokla	Akhoya Village
27	M/s. Kazungtula	Mokokchung
28	M/s. Sentironem SHG	Dimapur
29	M/s. Akhala	Dimapur
30	M/s. ALS SHG	Dimapur
31	M/s. Achung	Dimapur
32	M/s. Molum SHG	Wokha
33	M/s. Yahooi Konyak	Dimapur
34	M/s. K. Onia Handloom	Dimapur
35	M/s. Avitoli Swu	Dimapur
36	M/s. Zhetoli Sema	Dimapur
37	M/s. Marmongla	Dimapur
38	M/s. Punalemla	Mokokchung
39	M/s. Sara Weaving Unit	Zunheboto
40	M/s. L. Meilung Konyak	Dimapur
41	M/s. Rapitsur SHG	Dimapur
42	M/s. Hotoli	Dimapur
43	M/s. Lipongla Weaving Unit	Dimapur
44	M/s. Imsurenla	Changtongya Town
45	M/s. Kewekhro MPC	Enhulumi Village
46	M/s. Khogholi Weaving Unit	Dimapur
47	M/s. Vitoni Weaving Unit	Dimapur
48	M/s. Soyim SHG	Dimapur
49	M/s. Katoho Aye	Dimapur
50	M/s. Rose Z Sema	Suruhoto Town
51	M/s. Songmo	Dimapur
52	M/s. Vinoli	Dimapur
53	M/s. Toshili	Dimapur
54	M/s. Ketsi	Kohima
55	M/s. T. Moichila Phom	Longleng
56	M/s. Alon MPC	Dimapur
57	M/s. T. Arenla Ao	Dimapur
58	M/s. Kughali Sema	Dimapur
59	M/s. Nongam CK	Mon Town
60	M/s. Chubasongla	Dimapur

N.B:-
 1. Selected Participants are requested to come to office personally on the 6th December and fill up the forms. The participants applied but not selected will be given priority in the next State Handloom Expo at Urban Haat, Dimapur W.e.f. 10/10/2022 to 23/10/2022.
 2. The selected participants are directed to report to the exhibition ground at Urban Haat, Dimapur on 7th December, 2021 at 6:00 AM
 3. The participants are directed to keep their exhibits in their respective stall under lock & key. The office shall not be held responsible in case of any losses/ theft.
 4. Selected participants are informed to strictly follow the scheduled time. In case of failure, appropriate action will be taken. Sd/-
(ZAKABO V ROTOKHA) NCSC
Managing Director.




OMICRON variant ya kechi?

- OMICRON ya coronavirus tashi tuluba akümba lir. WHO ajanga ashiba agi tanga coronavirus variant tem den medemdangra Omicron ya tanaben menateptsü tezübaba saka iba osang tejangja ano mengutet.
- Virus indang genetic code melenshiba dang mutation ta ajar aser mutated virus dang variant ta ajar.
- Omicron variant indang mutations 50 shi lir ta mongin nisungtemi ashir, spike protein nung mutations 30 tema lir aser iba ya virus ajanga human cells-i aitba shilem lir.
- Mutations teimba = Tezübaba menateper

Tajitetsütem Symptoms: (tang tashi nung angazükba agi) Anibelem aser temang ngoyangoshiba, trok mesakba, oxygen saturation levels ajema makümer & achiba mesüra menemba nung temelenshi kecha mali.

Omicron variant ya komaser puteter




Image source: BBC

Tang amshibia vaccines yagi iba variant nung mapa inyaksü asü?

Variant balala prokshiba nungi kümzüka alitsü atema vaccine agitsübaji kanga tongtipang. Researcher temi vaccines aser tanga tools ajanga mapa inyakba jungjunga bushitepdar.

Na aser tangar koma kümzüka ayutsü?

- Vaccine agiang.
- Mask enokang.
- Nisung tsüingda tepila yuang.
- Kilong nung mopung aru-tao shitak ayutsüla.
- Merükmejua alitsüla.
- Temang nung shirangba yimya ajitetra tangar den pilar liang.

State Helpline No: 1800-345-0019

"Tashidak aser tasüba nungi kümzüksü atema vaccines kanga tongtipang lir"



TIR YIMYIM YIMOBILEM (EDITORIAL)

DIMAPUR AMUNGNÜ, LUCHII (DECEMBER) 05, 2021

Ochiba tsunglu

Asenok taküm nung Tsungremi mulungba ama indangindanga (righteousness) litettsü asoshi asenok teinyaktsü mapa ka Laishiba nung Hosea 10:12 nung shia lir. Ashiko, asenoki ochishia indang-indanga linür saka melitetter ta asüba ya, Tsungrem tashi medeni asenoki asenoksasa ochishia alitsü merangba agi asenok dak ochiji mamonger asütsüa akok. Iba Laishiba tekong yagi ashiba agi, ochi ya asenok dak nungi poktettsü masü saka tsunglu ama Tsungremi asenok dangi yoktsü ta ashir. Ajisüaka, Tsungremi tsunglu ama ochi asen dangi yokbaji agizüktettsüa asen mulung renema alitsüla. Hosea tapu nung Tsungremi asenok den jembiba angatettsüa tatishitsü amshiba ya aluyimba maparen aika den atishitepa shia lir. Aji oda, tsunglu mapang shitak nung aruaka, aluyimertemi alu jagi tsungluji agizüktettsüa aliji renema matara, tsunglu tzüji ali dak memongi yimzüka dang oa adoktsü. Ibayongji, Hosea 10:12 nung ashir, "Na asoshi ochi prokang aser taochi nung ruang, nür lu angensaa renemang, kechiyong Kibuba arur nü dak ochi tsunglu meyok tashi Pa bushitsüba mapangji tang lir," Hosea 10:12. Hosea mapang par lima nung Israel nübortemji Tsungremi temoatsü magizüktettsüa temulung temerang purtem dang liasü. Tsungremi parnok moatsüner saka parnoki indangindanga melitetter ta asüba tensa mapang ka nung, Hosea-i nenok temulungjang merüktetang, tamajung inyaktsü tebilem aser temenen lenmangtem nungi pilaang ta sayutsüngi. Ochishiabo linür saka ochimashiba mapatem maneni inyaker, Tsungremi nungi taochi aser temoatsübo imlar saka temenen mapatembo metoktsür ta süra, kodaser asenoki Tsungremi tsunglu ama taochi aser teindang shisatsü yokbaji agizüktettsü. Tsungremi yokba temoatsü aser taochitemji asenoki agizüktettsüa asenok mulungjang aser tokolok teti merüka alitsü merangtsübaji asenok mapa asütsüla, kechiyong temenen alidak temulungjang aser tokolok nung temeshi ajanga aruba taochi aser temoatsüji mamongtsü. Alima meimchirtem temenen nungi kümzüksü asoshi Yisu alimai arutsüba mapang nunga jelia, Yohan Baptitsüba ajanga nübortem nem sangoktsüba osangji, kasa Hosea ainkeri sangoktsüba ama, "nenok dangi Kibuba arutettsüa nenok taküm lenmangtem indangindanga renemang," ta ashiba asenoki osangtajung kaketttem nung angur. Tanüa kasa Tsungremi taochi ola agi asenok den yamaji jembidagi. Asenok temulungjang aser tokolok ya, Hosea ainkeri ashiba ama, Tsungremi taochi metsü prokdak lir, anungji kodang asenoki asenoksasa indangindanga ochishia alitsü meranga, ochimashiba temenen mapatem nungi piladir, idangji Tsungremi asenok dangi ochiba temoatsü tsunglu yoktsü aser itemji taochi nung arutsüa asenoki inyaktettsü. Atangji, asenok dak kodang iba taochiji lidir, asenokia tangar taküm aser kibongtem nunga Tsungremi tsunglu ama yokba ochi aser temoatsütemji agizüktettsüa renemdaktsütettsü. Tsungremi asenok kümzüksü aser moatsüba indang asenoki tangar dang kuli asübaji, asenok amaji Tsungremer taochi aser temoatsü agizüktettsüa parnok taküm aser kibongtema renemtsüba mapa ka asütsü. Tsungremi asenok dang taochi sayuner aser indangindang ochishia litettsüa tashi ka agütsüner, saka aiben asenoki asenok taküm aser kibong nung Tsungremi anasaia marudaktsüi asenoksasa asenok ochishia alitsü meranger. Ajisüaka, asenoki metettsüba kaji, Tsungremi medeni asenoki ochishia melitettsü, kechiyong Tsungremi ochi aser teindang. Tanü asenok ajak Khristan saka indangindanga melitetter, asenok aikati sarasademzükli ochimashi mapa inyaker, ibaji asenoki asenok dak Tsungremi memongdaktsü ser, alima shi tema tazütsü agi ochishia alitsü meranga sayuba ajanga lir. Laishiba ashir, Kibuba nü taküm aser kibong dangi arur, ochiba tsunglu meyok tashi, Pa bushitsüba mapangji tang lir. Aji oda, asenok den Tsungremi arua anentettsüa, aluyimeri tsunglu arutsü imlaa alu angensar ata ama, asenok mulungjang tai temenen ajak nangzüka anükanüka kümdaktsür atadi.

OLEMSABANG

Arogo zungsem nung shibasa enoktsü?

- Imliodang Aier

Okila

Mezüng Ao limai Khristan Yimsü arudang limapur sobaliba nung amendaker Arogoji tenzük. Aortem atemaOsangtajung dang nungi sobaliba tambo (older) asünung aiben sobalibajisa temaba aser tashi tuluba sädaktsür tamangba lokti (talisa Arogo) iba nem yimsüsädaktsür. Hau, Aortem asoshi sobaliba tajung kechi lir aji wazüka ayutsü kanga tongtipang saka sobaliba koba Laishiba den meputeper itemji botamanger lokti nung joko mamshi nunga ajungtsü amai bilemer. Arogo nung küm ter (10) shi inyaka arudang temulungi magizükteti sasasete bilema jembiyonga kecha mesüteti aruba Ao Baptist Arogotem inyakyim ka kü mulungi kanga aitsü nung yabo joko melenshi nung aika asoshi tajangzük aser temoatsü asütsü ta bilemba ka YSS nung lemsateptsü maongka agütsü nung kanga pelar.

1. Talenba (binding)

Ao Baptist Arogotem lenisüba (guideline) kaket nung "kidong lembur arogo nung zungsem magizüksü aser Arogo nung zungsem küma lira atsungtsütsü, saka apuani küma melira Arogo nung agizüksü", ta ozüng zungbanga ali nung, iba nungji amendaker tang Ao arogotem teimba nung kidong lemburtem arogo nung zungsem magizüker. Iba temzüng ya Aor tamanger ajak lungjemer yangluba ka lir. Arogotem nung sannükertem aiben tekolak menüdaktsüba timtemji ibai ka lir. Nübortem arogo nung tenüng zungokner saka guideline-i memelar asünung lim arogotemi aiben iba maparen nung lemtet alema meinyaktet dang nübu tajung aika arogo nung magizük tanela samaa aoba khuret agi tanü Ao arogotem menepa lir. Iba telatet teraji (root) kechi ta repringdang nung iba ya Aor sobaliba nung amendakba inyakyim kadang lir ta angateter. Aortem kidong raksar yim dak nungi senchi chir aridok, aser parnokji kibong kümteta lira tanaben yimdaki marudaktsü/ marudaktsür.

2. Libalioren Asadangba (ethical consideration)

Meimchir liyonga aodang lokti aser arogo nung tensa tia balala ajurur aser tensa tendak apet mapang nungji telemtetba balala agia inyaka aor. Tekalen (above) shisemba onük nung libalioren asadangba (ethical consideration) tebilemdangtsü kar yamai.

2.1. Lenisüba kaketi ashibaji, kidong raksar külemisa kibong kümteta lira arogo nung khensa magizüksü, saka kibong kümteta melira agizüksü. Kidong kasa aser balala alir ajak apuaninaji meimtepba agi kibong küma shi nung ka kümer alir, iba den chirnur agi sosema tesendaktepi kanga akanga kümadoker. Tebur ka aser tetsür ka joko taküm libaliro jenjang (moral value) raksaa kibong kümer, saka oda meimtepa pelatebaalidang nena kibong süa teli ta ashitsüji Tsungremi tsungdang aser nisung tsungdang kodaka temeten asütsü mesüra kodaka tai asütsü? Tanur ka tsurabur mabensa kümang ta ashitsüji asenoki kodaka metena agizükteter? Temeimteper ana sembatepang ta ashitsü asenok temeten kong lir? Indirectly tanü arogoi yamaji inyaker masü no?

2.2. Meimchirji lokti nisung asünung, metenser Aortem teimba Baptist Khristantem asünung nisung shia Khristar arogo kaka nung zungsem süa alitsü tim ta ajaki angateta lir. Saka asen aliba tesem nung aliba Baptist arogoi na zungsem asütsü magizükra nai kechi sayangtsü? Kechisüdir süaka nia arogo ka nungbo atentsüla ta asüba tangatetba nung nai naanasatiba Khristar arogo kobai na tesüiba temenen kecha mashishii temulung meyipba aru nung agizükdir iba arogo nungji na oa atentsü. Iba arogo nung na tanela chiyungtsü angutsü. Iba telemtetba agitsü asoshibo kecha arogoia na nokdangtsü makok. Na anisungzükdak, na agizükdak, na tanela chiyungtsü angudak na oa atentsü ne mulung.

2.3. Aor yim shia kidong lembu-melembu yim terara balala lir. Ozü yim dak lembuba kidong par yimdakbo melembur ta asüba (mesüra vice-versa) kuli aika lir. Joko Aori kidong ren zep ta ya-a ta alangdanga benteta meyuteti alimaji küma odagi. Anungji, lemtet aliyonga town arogotem nungbo iba lemtet ya aiben shidak benteta mamshiteter. Ashiko akhi putu mapangbo iba kin kidong sobalibaren ya merükmerüka benteta yutet südi, saka tanü temeyoktep lima nungbo aiben mezübelangteper dang aliba angur. Talisa Aor-i bushisungdangtepa arudang kidong aika akhibo adianu/lar ta jembia arubato tanübo lembular ang küma bushiteter aliba angur. Anungji, arogo iba yagi kanga tou ashir. Süra item yabo arogo nung agizükang aser item yabo tagizük ta arogo dang shibai talangdang tebandang o agütsütettsü?

3. Tanü Arogo nokdakdak (Today's Church foothold - a survey)

Iba tebilemshisadandang laishirtem aser sannükertem ishikatangatetba nungi medemdangba ajanga anguba kuli kar yamai (majoritarian view).

3.1. Arogoji ozüng tsütsü tali atsünga anir ama angateter. Aor sobaliba ozüngji indokra arogo raksatsü mesüra menenatoktsü. Anungji, arogo asüngteta alitsü atema sobaliba nem arogoji anidaktsünung dang ajungtsü. Kidong lembur arogo nungji agizükra arogoji masüngtet akümtsü ta asüba tangatetba nung Ao Baptist arogo aika anidar ta angateter. Süra kidong lembur tang magizükra tanungba nungjibo arogo shitak asüngteta lir ta shitetdima? Nai kechi ashir?

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazüngerü angateta agitsü mepishir

Khristan missionary tem ya Maoists dang nungi tamajungba: BJP MP



December 03, 2021 nü Lok Sabha nung Raigarh nungi BJP MP, Gomati Sai-i jembidang tangokba noksa nung angur.

New Delhi, Luchii/December 04 (Agencies): December 03, 2021 nü Chhattisgarh kübok Raigarh nungi BJP MP, Gomati Sai-i, "Khristan missionary tem ya Maoists telungpurtem dang nungi lendong taketba," ta ashi.

Sai-i iba o ya Parliament telung nung jembidi.

Lai ashiba agi, Chhattisgarh state nung Khristan missionary temi tai maket tribal nisungtem mesüzüka mesüra amokmerena Khristan yimsü dangi meypdaksür.

Lok Sabha nung Zero Hour mapang Chhattisgarh nung tamangba yimsü meypdaksüba indang jembidang lai, iba onük ya tamangba yimsü meypdaksüba onük ka dang masü saka linük telung security dak sendakba onük ka lir, ta ashi.

Sukma nung SP-i pa kübok police tem dang Khristan missionary tem dak tenük yoktsü tuyuba dak sendakba nung lai, ibaji ajanga Chhattisgarh, talisa Bastar nung tamangba yimsü meypdaksüba dak sendakba nung lendong tensa ka aliba kuli sayur, ta ashi.

Chhattisgarh kübok Bastar nung rara nokdangba atema Union Home Minister, Amit Shah dang pelaba lemsatapa lai, central sepaitemi meranga raraba ajanga Maoists

telungpurtem jenjang mejungi kümogo, ta ashi.

"Ajisüaka Chhattisgarh nung tribal nisungtem mesüzüka mesüra amokmerena Khristan yimsü dangi meypdaksür Khristan missionary temi Maoists telungpurtem dang nungi lendong taketba," ta lai metetdaksü.

BJP MP-isa, Chhattisgarh nung sarasademba kitem yanglutsü atema maparen inyakdar, ta ashi.

"Ni Chhattisgarh kübok Jashpur nungi lir, tesüiba küm aika tamangba yimsü meypdaksüba ajanga iba tesem nung timtem kanga ajangshidar," ta lai ashi.

Sai-isa taoba mapang BJP MP, Dilip Singh Judeo-i state nung tamangba yimsü meypdaksüba anema raraba atema pa nem tenüngsang agüja, "mission ghar wapsi" ajanga pai Hindu yimsü toktsür alir Hindu nung lakh aika tanaben Hindu yimsü dangi meypdaksüogo, ta ashi.

Iba dak sendakba nung missionary temi Khristan yimsü dangi meypdaksüba ya tangsa nokdangtsüla aser item mapa anema ozüng ka yanglutsüla, ta lai takhangba agütsü.

Taküm July ita nung Sukma district nung Superintendent of

Police-i police ketdangsertem dang Khristan missionary tem aser Khristan yimsü dangi meypba tribal nisungtem dak tenük yoktsü tuyua liasü.

July 12, 2021 nü Superintendent of Police, Sunil Sharma-i, Khristan missionary temi tribal nisungtem aliba tesemtem semdang aser Khristan masüba tribal nisungtem Khristan yimsü dangi meypdaksüba atema missionary temi mesüzüker, ta tai tonglokja liasü.

Tribal nisungtem Khristan yimsü dangi meypba ajanga tribal nisungtem tsüngda rara adokdaksür, ta police ketdangserisa metetdaksü.

Chhattisgarh Freedom of Religion (Amendment) Act kübok aibelenertem küm asem tashi tepuokdak ayutsü aser senchi 20,000 tashi achütsü akok.

2018 küm tashi Chhattisgarh nung BJP sorkar liasü saka Congress-i state nung BJP sorkar atsüngdok. Ajisüaka state nung BJP aser parnok den tesendaktep aliba teloktemi state nung Khristan anema inyakba manener.

Chhattisgarh nung nütsüng million 23 shi lir, aser nütsüng shilem 98.3 bo Hindu nung lir. State nung nütsüng shilem 1 Muslim nung lir aser Khristan shilem 0.7 dang lir.

BSI-i Tsüngrem O ajanga nüburtem taküm melenshitsu

Dimapur, December 04 (TYO): 1811 küm nungi tenzüka Bible Society of India (BSI)-i Tsüngrem O ajanga nüburtem taküm nung temelenshi bener arutsür; Tsüngremi Pa O (Temeshi Laishiba), sayutsüngirtem aser tesayurtem ajanga asenok den jembir, ta BSI Auxiliary Dimapur Secretary,

Rev. Dr. Yiepetso Wezah-i metetdaksü.

"Tsüngremi temelungjang bushir aser nisung shia tendanger (Yeremia 17:10). Tsüngremi nisung shia tebilemba meteta lir aser pa/la mapa apir sempet agütsür (1 Putipuyang 28:9). Tsüngremi Pa den longjemtsü, Pa tenüng asangtsü aser külemtsü, Yisu Khrista ajanga tekümtet osangtajung sangdongtsü aser Pa yanglubatem anepalutsü atema asenok yanglu. Nisung

million aika melenshir pei kibong, lokti aser linük atema khuret bener inyaker," ta Wezah-i metetdaksü.

"Tsüngrem O ajanga loktiliba aser yimtenren nung temelenshi adokdaksür. Tsüngrem nükjidongji alima nung yimjung, tesünep, tabensaba aser azükaru alitsü atema lir ta tamangertemi angateta arudar. Shalom tetezü Tsüngrem den tesünep, pei melungjang nung tesünep aser tangar den tesünep nung aliba lir. Tsüngremi Shalom ji Yisu Khrista ajanga arutsü ta nangzü (Isaia 9:6-7)," ta paisa metetdaksü.

"Arogotem aser tamangertem aika yimjung yanglurtem akümbaji tesüngmangtsüka lir, parnok timtemba mapang nung nungdabapurtem yarir, ainertem aser tangartem kasa züngshir aser tangar ajungtsü atema inyaker. Tsüngrem O ajanga loktiliba

tajungba küma melenshitsu," ta pai metetdaksü.

"United Bible Societies tentetba sülen taküm- 2021 küm 75 ajunger. UBS nükjidongji 'ajak ket nung Laishiba' alitsü atema lir. BSI Shillong Translation Centre tentetba sülen sangküm February 22 nü küm 50 ajungtsü aser Centre-i Northeast India nung aliba Arogotem tenzüka Laishiba meyipa pei oshi nung Laishiba agüja arur, aser iba atemaji Tsüngrem dang pelar," ta pai metetdaksü.

"Alima tesem ajungalen December 5, 2021 nü BIBLE SUNDAY monga Tsüngrem nem tenüngsang agütsütsü. Arogotem den longjemmer BSI-i Tsüngrem O ajanga nisung aika taküm nung temelenshi bener arutsütsü atema maneni inyaksü," ta paisa metetdaksü.

ANOGO ABEN TSÜNGREM DEN

ASÜKÜM CHUBA HEZEKIA

"Pai ashi, " Parnoki ne kidang keha angu? Hezekia langzü, "Kü kidang aliba ajak parnok ni nguogo, ni parnok dang kü rongsen mesayuba kecha maka."

- 2 Chubatem 20:15

2 Chubatem 20 nung Chuba Hezekia kanga shiranga aliba, pai Tsüngrem dang apudaka sarasadem nung Tsüngremi pa nem taneptsü agütsü aser tsükchir ket nungia kümzük. Saka, 2 Chubatem 20:12ff nungji, Chuba Hezekiai par tsükchir dang, par akaba rongsen ajak salaa sayu. Iba mapa ya chiba Hezekia asoshi asüküm mapa ka liasü. Atangji, Tsüngrem kanga jashi. Mapang tatsü ka tsüngda, par tsüraburi koba temoatsütem/ rongsentem bendena yutsü ajak Babilon nungeri bener ao. Chuba Hezekia asoshi asüküm mapa ka liasü. Atangji, Tsüngrem kanga jashi. Mapang tatsü ka tsüngda, par tsüraburi koba temoatsütem/ rongsentem bendena yutsü ajak Babilon nungeri bener ao. Chuba Hezekia asoshi iba tensaji tatembang asü. Aiben, Tsüngremi asenok nem mapang tajung alangzüksü maongka agütsür, asenoki amadoker aser temenen nem kokdaksür. Tongtibangsa asenoki asen taküm nung kanga kümdanga mitaa alitsüba kaji, asüküm jakla ya lir, aiben asenok iba asüküm jakla nem kokdaksür aser iba asüküm ajanga asen taküm atsüngzüka aor. Tsüngremi Chuba Hezekia nem takok ma nung takok agütsü, saka pai pa asüküm jakla mokoktetdang pa taküm aser par yimli ajak chirep. Asüküm jakla ya majung aser iba asüküm jakla ya lira, asenok intokdi.

SARASADEM

Kibuba Yisu, kü dak koba asüküm jakla lir, iba temenen yimya ya azüoktsü ne tashi agüjangma. Amen

India nung Arogotem anema inyakba aitsür: K. Therie

Kohima, December 04

(TYO): Christmas mongpu ita - December mezüngnüa Hindu Organizations-i Arogotem aika anema inyakogo; 2008 küm nungi tenzüka Hindu organizations-Bajrang Dal aser Shri Ram Sena-i jelia asalentong yanglur Khristanem aser Arogotem anema inyaker, ta Hokolbarnü NPCC Tir, K. Therie-i sangdong ka ajanga metetdaksü.

"Linük tesem balala nung ghonda ka tsüngda Arogo 14 anema inyakogo, aser ibaji ajanga jelia asalentong yanglur inyakba lir, ta kuli jangjar. BJP-i yimsüsüba state tem nung anti-conversion ozüngtem benoker. India nung nüchiso anguba sülen nungi Khristan nütsüng shilem 2.3 nungi tali merenloker, ajisüaka BJP indang tentet aikati Khristanemi kangshia yimsü meypdaksür ta tai tongloksür," ta sangdong nung shia lir.

"Khristanem mita aoer aser reshikangshi manener, police-i pastor apur aser tamangertem den puoka ayur, Sangh Parivar(Hindu Nationalist Organisations balalai tentetba züngsemtemi Bhajans tena Tenla ki telungi air, police-i Sangh Parivar masü saka Khristanem dang ang tekümdangtsü ashir,

Tenla kitem amakba aser Khristanem anema inyakba ken o 23 BJP sorkari agienogo," ta kasa sangdong ajangasa metetdaksü.

"Tamangba yimsü ya nija ka melungjangi agizükba onük lir. Tsüngremi anüng aser alima yanglu ta ni amanger. Yisu Khristai sayatenya mapatem inyakbaji ni amanger aser tanela temeshi ajanga maneni kü melungjang nung jembir aser ochi inyaksü atema ni len anir ta ni amanger. Anungji ni kü Kümtetdabaji aser tekümtetkerji Yisu Khrista ta agizük aser Pa tesayubatem benshir. Ni Pa dak tamang akar aser kü sarasadem langzütsü ta amanger. Tsüngremi mapang tetemsü nung ajak inyaksü ta ni tamang akar," ta Therie-i metetdaksü.

"Yamaji inyakba ajanga shingaiya tanga yimsü anema meinyaker, mesüra India linük temzüng alema meinyaker. Khristan ajaki Yisu Khrista dak amanger aser Karnataka sorkari inyakbaji tai ta nangzüksü," ta sangdong nung shaia lir.

"BJP indang organs-i inyakba aser Karnataka sorkari tim mesüi inyakba den külemi Khristanem anema inyakbaji ni sashia aitsür," ta paisa metetdaksü.

OLONG PAITEP # 6017

	1		2						3
4					5		6		
7									
			8					9	
10								11	
							12		
13								14	
15									

TIPIEN		LANGTSÜNGLEN	
1. Taochi sayuba	- 10	1. Menungra	- 6
4. Temezüng agi kongshi	- 4	2. Mi tsükloker mesepba	- 4
5. Ainer	- 6	3. Süngo o tzü ajemba	- 5
7. Chiyungnü	- 3	5. Temenemtsü tajung	- 7
8. Mi nung atsük	- 5	6. Idak	- 4
11. Asen masü	- 3	8. _ _ _ _ ok	- 4
13. Lenmang ajurutepdak	- 6	9. Tebangi apuba kongki tapu ka	- 6
14. Yangi masü	- 4	10. Tashi endokba metet	- 5
15. _ _ _ _ _ jang	- 6	12. Tzü manung senzüba	- 4

OLONG PAITEP # 6016 TELANGZÜBA

TIPIEN :		LANGTSÜNGLEN :	
1. Rebeka, 4. Adam, 6. Yohan,		2. Kan, 3. IM, 5. Anüng, 7. Amsü,	
9. Zü, 12. Sayutsüngir, 15. Ku,		8. Yosep, 10. Sara, 11. Isak, 13. Yakob,	
16. Naman, 17. Abel, 18. Samuel.		14. Nana, 16. Noa, 17. Am.	

KOMA SÜLA TELANGZÜBA

Q. Kohima nung Hornbill benjong amongtsü atema Kisama yim akümba ama, Mokochung district nunga yim ajunga adenshia sobaliba benjong amongdak yim tasen ka mesemet nunga koma süla ?
Tang ama tanüla nung tamangtirtem lulaba tensa aser nüburtem tangatetba nung anüngakongba mapang District ajunga nung iba Hornbill benjong amongdak mesemetetra NBCC aser ABAM asoshi khuret tulutiba akümtsü ana nung lir.
- WhatsApp

Mokokchung district nunga yim ajunga adenshir sobaliba benjong amongdak yim tasen ka mesemet nungbo Kisama nung amongba Hornbill Festival dang nungia tamajungba benjong süa aotsü. Anungji tanü alima tatembang putu mapang ka nung asen Ao kinbo alima sobaliba yimsü yimpong benjong masü saka tanülar benjong kar apiteta alima nung aliba Khristan tema arua shilem agitettsüsa benjong among nung koda
-SMS
Yim tasen memesemet yongjia Mokokchung Imkongmeren Complex nung lira aji agi teperi. Aji inyaktet nungbo Aortem asoshi maongka tulu süla saka Aor Minister temia koda? ta bilemer ati.
-R.Y Lkr

Happy Birthday

TENÜNG : JAKPERI JAMIR

Küm : 5
Tasoba Anogo : 5th December
Talidak : Kumlong Ward, Mokokchung
Temeim Peri, na küm Pungo renteta anema lia tepela tasoba anogo moatsü nung Tsüngrem tenüng asanger. Ano maneni na arishi anogo temjena takok nung len aniangma ta sarasademtsür.
- Temeim Odi Zoe, Oja Oba Otsü Obou aser kinungertem ajaki tepela tasoba salem abnener.



AO OSHI ANGAZÜKDAK:

TANÜ ANGAZÜKTSÜBA OJANG



Lilang
(adv) lenmang talang, talang nungi (far distance)
· **Lilang** nungi tebei par jabaso mereprangtet.

Lilangba
(n) tsükden temaba (traditional upper tier of shelves over the hearth.)
* Tsüraburi tsükden **lilangba** nung ngashi pongdang ayur.

NAI-A YA METETTER MA

NETFLIX SABANG NUNG SAYUTSÜ ALIBA MOVIE ASER SERIES KAR: DECEMBER 2021

- JAPAN SINKS: People of Hope: Season 1 (Episode 8)
- David and the Elves - Netflix Film
- Voir - Netflix Documentary
- Centaurworld: Season 2 - Netflix Family
- The Family That Sings Together: The Camargos - Netflix Documentary
- Aranyak - Netflix Series
- How to Ruin Christmas: The Funeral - Netflix Series
- StarBeam: Beaming in the New Year - Netflix Family
- Black Ink Crew New York: Seasons 3-4
- The Hand of God - Netflix Film
- A California Christmas: City Lights - Netflix Film
- A Naija Christmas - Netflix Film
- The Witcher: Season 2 - Netflix Series
- Grumpy Christmas - Netflix Film
- 1000 Miles from Christmas - Netflix Film
- Minnal Murali - Netflix Film

TANÜBO NAI LANGZÜANG

Q. Shibai "Naoroji: Pioneer of Indian Nationalism" kaket zülü?

- [A] Dinyar Patel [B] Milan Vaishnav
[C] Ornit Shani [D] Jairam Ramesh

(Taruba adok nung onoki langzüsü)

YASHI ADOK TELANGZÜBA : Kerala

SUDOKU # 6058

TELANGZUBA # 6057

3	1		6	2			5			1	6	3	9	8	5	4	7	2	
			6				7	3	1		4	9	8	2	6	7	3	1	5
			8			1			6		5	2	7	1	3	4	9	6	8
9			4	7					8		3	5	4	8	1	6	7	2	9
8	7						9	1			8	1	2	7	5	9	6	4	3
			9	8					2		6	7	9	3	4	2	8	5	1
	5	9	8	4	3		2				2	3	6	5	7	8	1	9	4
	3	2			6				4		9	4	1	6	2	3	5	8	7
4	8		2	7	5	6	9				7	8	5	4	9	1	2	3	6

OJANG LUTEP # 5604

- ÜNGTSREM :
- NGDA :
- NGDANASÜGA :
- NASE :
- SONGTENTEM :
- GLUYANRA :
- EITM :
- NTSEONG :
- OKTAK :
- GUTSANÜ :

OJANG LUTEP TELANGZÜBA # 5603

MAPANG AGIKA TAKOK DANG NGURA ASENI MERANGA INYAKBA AMAJOK MAKÜMSTÜ

TAN HOPTA ATEMA - KOMA SÜLA ?

Q. Kisüjensü dang agiba osettem aser asen taküm atema nüngdakba chiyongtsü aser osettem ajak asenoki asen nisungtem dang nungi dang alitsüsa, ajungshitepa, lanurtem nem item mapatemji tenzükdaktsü nunga koma süla ?



December 04, 2021 nü Dehradun nung Ato kilonser, Narendra Modi aser Uttarakhand Chief Minister, Pushkar Singh Dhami na den BJP lenirtem assembly election nüboyim sentong ka nung adenba noksa nung angur

Russia aser India linük nati tezüngzüktep ter shi agitsü

Moscow/New Delhi, December 04 (Agencies): Russia Tir, Vladimir Putin aser India Ato kilonser, Narendra Modi na senden amenba sülen Russia aser India nati sector balala nung tezüngzüktep ter agitsü, ta Russia nunger ketdangser kati metetdaksü. Russia Tir den külemi inyaksemer, Yuri Ushakov-i, "Tezüngzüktep ter shi agitsü aser itemji kanga tongtibang asütsü. Iba atemaji maneni maparen inyakdar. Pai semdangba mapang nung tezüngzüktep aika agitsü onoki imlar," ta metetdaksü. December 6 nü Russia Tir, Putin New Delhi tonga aruba

sülen India-Russia summit nung adentsü. 2019 küm November ita nung Brazil nung BRICS senden alidang jurila senden ka nung Russia Tir aser Ato kilonser, Modi na ajurutepta sülenbo tang mezüng tena ajuruteptsü. Putin-i India semdangtsü aliba dak sendakba nung India external affairs ministry nung otongdar, Arindam Bagchi-i, December 6 nü New Delhi nung India aser Russia nungi tongti ketdangsertem aser defence ministers den foreign affairs ketdangsertem senden aika amentsü, ta metetdaksü. December 6 nü India defence minister Rajnath Singh-i Russia foreign minister Sergei


Lavrov aser defense minister Sergey Shoigu na den tama senden amentsü. Iba sülen nikonkdang 21buba India-Russia Summit amentsü. "Linük anaprong nungi lenrtemi linük ana tesendaktep reprangshitsü aser maneni asalentong tesendaktep tajungba akümtsü atema o lemteptsü. Putin aser Modi nati regional aser international onüktem nunga o lemteptsü atema maongka angutsü," ta Bagchi-i metetdaksü. Senden tembangba sülen külem sangdong ka agütsütsü aser tezüngzüktep balala agiba osang sangdongtsü, ta MEA otongdarisa metetdaksü.

Covid agi asür kibongtem yaritsü atema Cong-i online campaign tenzük

New Delhi, December 04 (Agencies): Coronavirus wara agi asür kibongtem nem senotsü teyari agüjang, ta sorkar nem takhangba agüja Honibarnü Congress lenir, Rahul Gandhi-i online campaign ka tenzüksüogo. Nüburtem tejashi nung mangyima timtemba mapang sorkar amoi oa kazür, ta pai aitsü. Congress party-i ashiba agi, "#SpeakUpforCovidNyay" campaign nükjidong ya Centre sorkar dang linük nung coronavirus agi nisung kwi asüar osang tejangja metetdakjang ta akhangba den külemi iba wara agi asür kibong

shia nem sen lakh pezüzü (4) teyari agüjang ta takhangba agütsütsü atema tenzük. Iba campaign tenzükja Rahul Gandhi-i twitter ajanga, "Nüburtem takoksa ngur jashiba mapang India sorkarbo amoi aoer. Asenoki parnok mesodi," ta metetdaksü. "Modi sorkari coronavirus wara mazüoktetba miimbangtsü atema kanga sangraa inyaka coronavirus agi kwi asüar mimshir," ta Congress-i metetdaksü. "#SpeakUpforCovidNyay, iba ya ajanga sorkari coronavirus agi asürtem tejangja metetdaksütsüsa akümtsü," ta party meyong

official Twitter handle ajanga metetdaksü. Congress otongdar, Pawan Khera-i, "Coronavirus agi nisung kwi asü, iba indang osang tejangja sorkar ket nung melira linük nüburtemi sorkar den osang lemsateptsü. Senotsü agi anünga mali saka sorkari coronavirus agi kongshiba kibongtem yaritsü tebilemba mali. Iba wara agi asür kibong shia nem sen lakh pezüzü agüjang ta onoki akhangar," ta metetdaksü. Iba campaign pusema state balala nung Congress units aser lenirtemi videos lemsatepa sorkar dang iba wara agi asür kibongtem yaritsü akhangar.



December 04, 2021 nü Karnavati University, Gandhinagar nung Youth Parliament 2021 tenzükba sentong nung Gujarat Chief Minister, Bhupendra Patel-i Pujya Gyanvatsal Swami agizükba noksa nung angur.

Jawad yipru agi Bengal kongshitsü; ananü tzünglu sashia arutsü

New Delhi, December 04 (Agencies): Jawad yipru agi Bay of Bengal kongshitsü mapang ana nung lia Honibarnü West Bengal sorkari South 24 Parganas aser Purba Medinipur district na nungi nisung meyrjang aika aienshidaksüogo. Cyclone yipru agi tzüyinkümlen aliba tesemtem kongshitsü, ta tekümdangtsü osang metetdaksüba sülen South 24 Parganas aser Purba Medinipur district na nungi nisung 11,000 jungnüa aienshidaksüogo aser Kakkdwp, Digha aser Shankarpur nungi angopurtem tzüküm tonga aruogo, ta sorkar ketdangser kati metetdaksü. Weather department-i ashiba agi, Honibarnep West Bengal nung North aser South 24 Parganas, Purba aser Paschim Medinipur, Jhargram, Howrah aser Hooghly densema district aika nung tzünglu tera arua liasü, aser taruba anogo ana tzünglu sashia arutsü. Rescue teams-i raliwalirtem aser lisopurtem danga Digha, Shankarpur, Tajpur aser Bakkhali nung tzüyinkümlen toktsür aienshiang, ta

metetdaksüogo. Cyclone yipru arutsü aliba nung ajemdaker kümzükba maparen inyaksü atema West Bengal nem National Disaster Response Force (NDRF) team 19 lemzüksüogo. Taruba anogo ananü tashi Kolkata, Purba aser Paschim Medinipur, North aser South 24 Parganas, Jhargram, Hooghly aser Howrah districts nung tzünglu sashia arutsü aser Hombarnü North aser South 24 Parganas, Nadia aser Murshidabad districts nung tzünglu kanga sashia arutsü, ta India Meteorological Department (IMD)-isa metetdaksü. Honibarnep yakta IMD-i sangdong ka ajanga, "Tesüiba ghonda trok tsüngda 'Jawad' yipru ghonda ka nung kilometer 4 ona north tsütsüleni oa tang (anepdang) 5:30 ako nung Vishakhapatanam (Andhra Pradesh) nungi kilometer 230, Gopalpur (Odisha) nungi kilometer 340, south-southwest of Puri (Odisha) nungi kilometer 430 aser south-southwest of Paradip (Odisha) nungi kilometer 490 shi pilar lir," ta metetdaksü.



December 04, 2021 nü Navy Day anogomong nung National War Memorial, New Delhi nung Chief of Defence Staff (CDS), General Bipin Rawat, Chief of the Army Staff (COAS), General Manoj Mukund Naravane, Chief of the Naval Staff (CNS), Admiral R Hari Kumar aser Chief of the Air Staff (CAS) Air Chief Marshal, Vivek Ram Chaudhari nungeri taküm tenla agüja asür sepaitem nem akhüm agütsüba noksa nung angur.

Taoba mapang Andhra Pradesh Chief Minister, K Rosaiah süogo

New Delhi, Luchii/December 04 (Agencies): Taoba mapang Andhra Pradesh nungi Telangana jakzüka maodang Andhra Pradesh nung Chief Minister inyaksang, Konijeti Rosaiah Honibarnü alima nungi pilaogo, ta Congress party osang ka ajanga metetdaksü; pa arrshi küm 88 liasü. Osang angazükba agi, Honibarnep Rosaiah shiranga aitba sülen nija hospital kati anir aoba mapang lenmang tom nung süadok. Andhra Pradesh nung chief minister inyakba dak alia pa Tamil Nadu nunga August 31, 2011 nungi August 30, 2016 tashi Angh inyaka liasü. Rosaiah-i mezüng 1968 küm yimtenren nung ajemoka MLC inyak. Pa Andhra Pradesh nung

September 3 nungi November 25 tashi chief minister inyaka liasü. Pa asüba osang angashia Telangana Chief Minister, K Chandrashekar Rao densema lenir aikati mangyim jashi osang lemsatepogo. Rosaiah ya konang aika bener arutsüba lenir ka liasü; pa dak taremzük shisatsü liasü aser tongmelang lenir ka liasü, ta Rao-i lemsatep. Telangana Congress Party Tir, Revanth Reddy densema Congress lenirtema aikati pa asüba atema mangyim jashi lemsatepogo. Reddy-i sangdong ka ajanga, Andhra Pradesh nung Finance Minister inyakdang Rosaiah-i state budget 15 tashi benoka liasü, ta metetdaksü.



Vienna, December 4: Vienna, Austria nung December 3 nü Joint Comprehensive Plan of Action (JCPOA) dak sendakba nung Joint Commission senden amenba mapang tangokba noksa nung angur. Iba senden ya Iran nuclear ken o sensak asemtsü atema ayongzüka amen.

Sri Lanka nung factory manager ka tepsetba ken o nung nisung apu

Sialkot, Luchii/December 4 (Agencies): Hokolbarnü Sri Lanka nung factory manager ka nisung telok kati zükseter min senoka rongdaksüba sülen Pakistan nung nisung 120 puogo, ta ketdangsürtemi Honibarnü metetdaksü.

Iba lokti inyakyim nisung aikati aitsüogo aser Ato Kilonser Imran Khan-ia, iba anogo ta Pakistan atema maksü anogo ka ta shiogo.

Pakistan nung tamangba yimsü dak sendkaba ken o ya nüburtemi kanga süoki ia agir aser Islam tilutsür ta bilemra nüburtemi kanga sashia longkak aiter aser azütokshi lendong tulu ataloker.

Iba tatalokba ya Hokolbarnü linük yimtiba Islamabad nungi kilometer 200 shi pilar central Punjab province kübok Sialkot tesem nung ataloka liasü.

Police-i Honibarnü ashiba agi, manager-ba yagi tamangba yimsü anem inyak ta olulu osang prokshiba sülen pa tepseta liasü.

"Factory nung manager sang yagi tamangba yimsü dak sendakba poster ka shisar jana benden dak intok ta olulu osang prokshia liasü," ta police ketdangsür Zulfiqar Ali-i AFP dang ashi.

Police otongdar Khurram Shehzad-i, aija alirtem rongnung tongtiba ka densema iba ken o nung nisung 120 puogo, ta ashi.

Tamangba yimsü tsütsü shisashir aser religious harmony dak sendakba nung Ato

Kilonser indang special representative Tahir Ashrafi-ia, nisung apuba osang jangjashitsüogo aser AFP dang ashiba agi, mapa inyaktertemi manager ya kanga tesashi asüba ashishia liasü.

"Police kübok mongintemi lenla balala nungi ken o bushisüngdangdar, kong factory nung inyaker kari manager dak mang ayangtsü atema tamangba yimsüdak ajemdaker inyaksangshi ta temulung melemi bilemba densema lir," ta Ashrafi-i ashi.

Shehzad-i ashiba agi, iba tatalokba nung densema alirtem maneni meita odar.

Social media nung prokshiba video tem nung nisung telok kati yimyim anema nisung ka dak azükba nguogo.

Tanga video ka nung pa tasü mang nung mi senoktsüba aser pa indang gari meküper mi senoktsüba nguogo.

Lokti nung nisung aikati parnok maitsü mimbangtsü memerang aser parnok rongnung karibo tasü mang rongga aliba jakdang selfie agia liasü.

Sialkot nung alir aser obendager Malik Naseem Awan-i AFP dang ashiba agi, iba tatalokba ajanga linük noksa raksatsütsü ta shisabulua bilemer.

"Ni kanga dang aker. Nisung kati dang iba ya inyak asübo ken o balaka süla saka iba tesem nung sentepa aliba

nüburtemi ajem ajema repranga ata aser nisung kati danga pa kümzüksü memerang," ta pai ashi.

Pakistan indang Army tekolakba densema political aser tamangba yimsü party timba kati iba tatalokba aitsüogo.

Pakistan ketdangsür tejen kati AFP dang ashiba agi, iba tatalokba dak sendakba nung Islamabad-i Sri Lanka nung ketdangsürtem den sensaksema arudar aser iba tatalokba nung shilem agirtem anema jenjang tapet agitsü ta tenangzüka agütsüogo.

Rights group temi ashiba agi, nisungtemi manga ayangtsü atema tamangba yimsü dak atemer aser iba ajanga lokti nung nütsüng agi ajema aliba lokti akoksar.

Deobarnü Pakistan nung lokti tulu kati northwestern Khyber Pakhtunkhwa province nung police station ka rongtoktsü.

Koran rongtoktsüba atema aija aliba nisung ka meshiba magütsüba sülen iba lendong atalok.

2017 küm April ita nisung telok kati university student Mashal Khan tepset. Mashal-i Islam yimsü anema online nung osang prokshi ta aitsüba sülen pa tepset.

2014 küma ken o mejangjai Koran anema inyak ta shia Punjab nung Khristan kibong ka nungi apu ani na tepseter rongtokja liasü.

UNHRC-i Afghan nunger nem teyari agütsütsü ayongzü

Geneva, Luchii/December 4 (Agencies): UN Human Rights Council-i, Afghan nunger million 3.5 nem teyari agütsütsü ayongzüko, kong linük nung mangatetep adokba ajanga 2021 kija nunga nisung 700,000 pei talidak toktsür aotsüsa kümogo, ta UNHCR-i ashi.

UNHCR otongdar Babar Baloch-i Hokolbarnü ashiba agi, linük nung nütsüngyongsük million 23 mesera shilem 55 yatzüra tulu nung lir aser million teku shi ayawarai aitsü ana nung lir.

UNHCR-i 2021 küm linük nung tesem balalai jenshir alirtem 700,000 shi nem teyari agütsüogo. Hopta shia UNHCR-i nisung 60,000 nem teyari agütsüdar, ta kasa sangdong ajanga metetdaksü.

"Onoki nisung meyrejang aika nem teyari agütsüba mapang teyari nungdaker

meyrejang aika nguteter," ta Baloch-i ashiba den teyari agütsütsü ayongzüka liasü.

Paisa, kinungbo maliba tetsürtemi pei chirnurtem nem chiyongtsü aser tejenokdak magütsüteter, tintet rogotemi lajar semchirtem anepalur aser teyari balaka nungdaba purtem aika nüburtemi teyari agütsüdar, ta ashi

Taliban-i sorkar atsüngba sülen Afghanistan indang assets freeze sütsü aser iba ajanga rongsenketzung dak sendakba nung timtem tuluba aküm aser iba den bendenloksema humanitarian teyari agi kanga anünga aküm.

"Islamic Emirate aser UN na tesendaktep majung ibayongji UN-i teyari agütsüba inyakyim dak temulung malemer aser nüburtem nem indang indanga agütsütsüla ta shia arudar," ta university instructor kati ashi.



Bologan, December 4: Bologna, Italy nung mozüki ka kübok COVID-19 unit nung Medical staff tem inyaksangshiba noksa nung angur. Italy nung tang Coronavirus tashidak nisung aikadak potetdar. Italy nung Hokolbarnü nisung 17,030 dak tashidak potetba sülen ajak senteper nisung 5,077,445 dak tashidak potetogo.

Mali nung Jihadists temi nisung 31 tepset



Bamako, Luchii/December 4 (Agencies): Central Mali nung Hokolbarnü Jihadists temi nisung 31 tepsetogo. Local shishilembadak kati oya aliba bus ka nung injang agi akhaba sülen nisungtem ya tepseta liasü, ta local ketdangsürtemi metetdaksü. Telungpur teloktemi azütokshi lendong bener arutsüba rongnung iba ya tesüsabuba asütsü.

Mejangjaba nisungtemi amakba bus ya Songho yimtsüng nungi Bandiagara nung shishilembadak kati hopta nung anaben oli aruli asür, ta Bankass jila indang mayor Moulaye Guindo-i ashi.

"Hadir teperi bener aliba nisungtemi gari dak akha, tire raksatsü aser nisungtem dak akha," ta Guindo-i ashi.

Pa aser local ketdangsür kati ashiba agi, iba lendong nung

nisung 31 tepsetogo aser aika yirur mesera samara bushidar.

Mopti temeket nung aliba yimtsüngtem ya Mali nung azütokshi lendong balala atalokba teyongtsü lir, kong Qaeda aser Islamic State den sendaktepa aliba telungpurtem inyaksangshir.

Internal security memo ka ajanga ashiba agi, lendong atalokba tesemi mezüng tonga aoertemi tasü mang 25 ronger aliba ngutet.

Social media nung prokshiba noksatem ajanga passenger bus ka tasü mang agi sünger aliba sayuogo.

Africa kübok Sahel tesem nung Jihadist temi tesem balala amakba tali kümdar aser Mali, Burkina Faso aser Niger nung nisung meyrejang aika tepsetba den million aika pei talidak toktsür jenshiogo.



Berlin, December 4: Berlin, Germany kübok shopping center ka nung mapa inyaktertemi COVID-19 vaccination certificate asadangba noksa nung angur. Mulungtepba ama jenjang shidak magira Germany nung Christmas mapang intensive care units (ICUs) tem süngatoktsü, ta Health Minister Jens Spahn-i ashi.

Kisama aser RCEMPA nung Hornbill Music Festival agitsü



Kohima, Luchii/December 04, 2021: The Heritage nung press conference agiba mapang Hornbill Music Festival atema TaFMA ketdangsurtem aser iba sentong achaayanger temi osangbener den jembiba noksa nung angur.

Kohima, Luchii/December 04, 2021 (TYO): Nagaland indang Hornbill Festival sentong shilem ama, Department of Youth Resources & Sports akhüm nung Task Force for Music and Arts (TaFMA)-i tesem ana nung Hornbill Music Festival sentong ayonga agidar. Hornbill Music Festival ya Naga Heritage Village Kisama aser Regional Centre of Excellence for Music & Performing Arts (RCEMPA) Jotsoma nung lemsar agitsü sentong renema lir, ta sangdong ka ajanga metetdaksü.

Hornbill Music Festival, koba India nung Music festival tulutiba asütsü ta asadngeter, tesem anaprongla (Kisama aser RCEMPA) nung tesem dangertem (visitors) peladaksütsü aser ken angadaksütsü atema band 35 nungi musician 200 agi shilem agitsü, ta Honibarnü 'The Heritage' nung osangbener den jembiba mapang Advisor for TaFMA Theja Meru-i metetdaksü.

Band 35 rongnung, band asem shi tanga State nungi lir. Band asem ya Shillong nungi Dossers Urge aser Soulmate; aser Sikkim nungi Girish and the Chronicles asütsü, ta pai ashi.

Band rongnung shilem 95% tashi local band tem asünung nümatanga bilemer aser alima dang Naga nung kentener aser musician jenti sayutsü asoshi maongka angur, ta Theja-i ashi.

Tanü tashi, item local band yagi Kisama nung open concert aser iba den külemi ticket

system ajanga RCEMPA nung tesem dangertem entertain süa arudar. Iba music festival ya aonung shia 6:00 ako nungi tenzüksü, ta pai ashi.

RCEMPA nung music concert sentong kisung masü, saka sentong tasen - 'Hornbill Music pop-up & busking' bendenlokogo, koba anogoshia nikongdang 3:00 nungi tenzüksü, ta pai shisem.

Iba dak sendakba nung, Theja Meru-i music sapur ajak dang tejangraba nung iba music festival nung aruagi adentsü asoshi mepishia liasü.

Tesüiba küm nung iba music festival ya Dimapur nung agia liasü, saka alima ajunga asungba coronavirus wara adokba aser state sorkar tetuyuba nung anidaka, Hornbill Music Festival sentong ya Kohima nung agir, ta pai ashi.

"Tensa asadanga iba sentong Kohima nung agir aser tensa süngjema akümba sülen, iba sentong Dimapur nung agitsü," ta pai ashi.

Iba Hornbill Music Festival ya Imagi.Nation aser Livenow ajanga achaayanger.

December 06, 2021 nungi Hornbill Music Festival sentong tuluba tenzüksü, kong Dossers Urge Shillong aser Polar Lights Dimapur teloki sabang nung shilem agitsü. December 07, 2021 nü WIZ Kohima aser Soulmate Shillong; December 8, 2021 nü Dimapur nungi nungtugu band asem - Big Dance Rapper, Sunep Lemtur singer aser YouTuber (Dimapur) aser Street Stories, Dimapur agi shilem agitsü.

Iba sülen December 9, 2021 nü Wokha nungi About Us aser India nung nungtugu aser mapang talangka longjema aruba classic rock band - Girish and the Chronicles nati sabang nung ken atentsü.

Project Director TaFMA Dr. Hovithal Sothu-i, Covid-19 dak sendakba tekümdangtsü mera ajak nung anidaka iba sentong agir. Kasa mapang Covid-19 tetuyuba nung anidaka tejak nembangba mask inoktsü asoshi RCEMPA tesem temeküt nung temaitsü (signage) inokja lir, ta ashi.

Ano, RCEMPA telungi garitem aittsü asoshi nokdang/memelar asünung, iba music festival reprangi arur ajaki pei pei gari Kohima Science College ground nung anena ayutsü asoshi mepishir, ta pai ashi.

Maneni, Hornbill Music Festival ayongertemi, iba Music Festival shilem ka ama selfie contest ka agitsü. Iba contest nung shilem agitsü jangrartemi tesem anaprongla - Kisama aser RCEMPA nung tangokba noksa ka ka Instagram - #Hornmusicfestival2021 nung upload asütsü. Takok angur nem sempet tulu agütsütsü renema lir, koba Hornbill benjungmung tatemnübuba nung sangdongtsü, ta metetdaksü.

The Heritage Kohima nung osangbener den jembiba mapang, Livenow director Atsung Jamir den secretary Burakum Ao aser Imagi.Nation ketdangsurtem Keza aser Kevi nung dena liasü, ta kasa sangdong nung shia lir.

Wokha DC-i Zila Sainik Rest House semzüksü

Dimapur, Luchii/December 4 (TYO): Deputy Commissioner aser Zila Sainik Board Wokha tir, Orenthung Lotha-i December 4 nü Zila Sainik indang Rest House tasenba semzüksü.

Rest house ssemzüksüba mapang DC-i, Ex-Serviceman lokti dang lokti ajangzüksü aser tenzüksü atema maneni inyaksü ayongzük. Rest house tasenba takok nung sütetba atema board nem tenüngsang agütsüba mapang pai, iba ki tasenba ya kanga kümdanga aser pei khuret ta angateta

amshitsü ajungshi.

Welfare Officer, Zila Sainik Board, Wokha, Cap. (Retd) Seikholen Thomsong-i, iba ki takok ngua yanglutetba nung sendaka alirtem, ali kibur Ex-serviceman Association aser DC & President Zila Sainik Board Wokha dang parnok teyari tulu atema kanga pelaba lemsatapa liasü.

Ex-Serviceman Association-i ashiba agi, parnoki 1971 küm DHARAMDAN Bangladesh tongbang bilemteta Wokha nung War Memorial ka yanglutsü atema Maj.Gen, SM IGAR (N)

Camp Kohima dangi bendangogo, aser iba memorial yanglutsü atema temabg jenjang nung aliba ketdangsurtem nungi temelaba atadar. Association-isa iba dak sendakba nung Deputy Commission dang teyari meshia liasü.

Iba rest house tasenba ya Tsumang "B" colony kübok Wokha Public ground anasa yanglua lir. Sentong nung colony chairmen-i o tatsüka jembiba mapang ex-serviceman lokti ajungkettsü atema takokba tashi teyari agütsütsü tenangzükba agüja liasü.

Gari senzusenpongtsü tetuyuba agütsü

Dimapur, Luchii/December 4 (TYO): December 7 nü Western Angami 'D' Sports Association-i ayongzüka Peducha (Kiruphema) nung long atsüba sentong agitsü aliba dak ajemdaker DC Kohima, Gregory Thejawelie NCS-i gari senzusenpong dak sendakba nung tetuyuba kar agütsü.

December 7 nü anepdang 7:30 ako nungi nikongtsütsü 2:00 ako tashi National Highway 29 nung Kohima/Dimapur-i aoba garitem

Peducha Bridge nungi Tsiesema (10 Mile. Road) leni aotsü aser Dimapur-i aoba garitem Kiruphema ajanga SechüZubza nungi Peducha leni aotsü.

Theja Service Station, Kohima nungi Peducha yimtsüing ground tashi atakzükja aliba mapang gari senzusenpongtsü memelatsü.

Gari kibortem dang highway nung gari anendena alibatem anepdang 6:00 ako tashi nung anintsü metetdaksü.

Olivia Rodrigo-i 'Apple Music Award' asem angu



Luchii/December 04, 2021

(Agencies): Apple Music Awards 2021 takok angur rongnung Olivia Rodrigo, The Weeknd aser Wizkid nung dena lir. Tech company tetsüti Apple indang 3buba Award sentong nung - 'good 4 u' ken atenla arishi küm 18 tain Olivia-i "Breakthrough Artist of the Year", "Album of the Year" ('SOUR') aser "Song of the Year" ('driver's license') agizüka liasü. America nung hopta 8 tashi atonga 'driver's license' ken ya no.1 nung liasü aser 'quadruple platinum' agütsü.

Olivia-i ashiba agi, "drivers license' atema Apple Music den mezüing interview agia liasü aser iba mapang nungi maparen aika nung takok ngua aruogo."

"Iba maongka ya tesü mangtsüka. Kü nem award asem tashi agütsüba atema Apple Music dang pelaba metetdaksü," ta lai ashi.

'Blinding Lights' kentener The Weeknd nem 'Global Artist of the Year' agütsü. Iba ken - 'Blinding Lights' aser 'After Hours' kensep ajanga record yangluba sülen, The Weeknd-i iba award agizük.

Arishi küm 31 tain megastar Abel Tesfaye (The Weeknd)-i, "Kü nem iba naroküm/khonang tulu agütsüba atema kanga pelar aser kü maparen nung nungitta yariba atema Apple dang pelaba shisemer," ta lemsatap.

Ano, H.E.R. ajanga "Songwriter of the Year" award angu. Arishi küm 24 tain R&B star-i, "Iba Award ya khonang aser temoatsü ama lir," ta ashi.

Taküm, category tasen - 'Regional Artist of the Year' ka tenzükja liasü. Africa, France, Germany, Japan aser Russia nung ken atentsü sempet tajung alirtem jangjatetsü asoshi iba category bendenlok.

Africa atema 'rapping superstar' Wizkid-i 'Regional Artist of the Year' award nguogo.

Arishi küm 31 tain Wizkid-i, "Iba award atema Apple Music dang pelaba metetdaksü. Iba Award anguba ya temoatsü ka lir aser Africa tenüng nungi iba award agizükba asoshi nümatanga bilemer," ta ashi.

Apple Music aser Beats indang vice president Oliver Schusser-i ashiba agi, "Tesüiba ita 12 tashi music nung kanga renloka aruogo aser artists tajungtem tuhsitsü asoshi onok yongyar."

Apple Music Awards benjungmung sentong ya Mongolbarnü (December 7, 2021) nungi tenzüksü, kong Apple Music aser Apple TV app ajanga alima tesem ajunga nung interviews, original content aser tangatem sayutsü terenemba lir. Music fans, shirnok Apple Music nung subscribe masü lir, ita asem atema parnoki apple.com/apple-music (free trial) atema sign up asütsü akok.

Apple Music Awards 2021 nung takok angurtem yamai alitsü:

- Global Artist of the Year: The Weeknd
- Breakthrough Artist of the Year, Album of the Year, and Song of the Year: Olivia Rodrigo
- Songwriter of the Year: H.E.R.
- Artist of the Year (Africa): Wizkid
- Artist of the Year (France): Aya Nakamura
- Artist of the Year (Germany): RIN
- Artist of the Year (Japan): OFFICIAL HIGE DANDISM
- Artist of the Year (Russia): Scriptorite.

BWF World Tour Finals: Sindhu final-i iogo



PV Sindhu

Bali, Luchii/December 04, 2021 (Agencies): Honibarnü, BWF World Tour Finals tetsür kija semi final asaya nung, PV Sindhu-i Japan tsür Akane Yamaguchi madak 21-15, 15-21, 21-19 agi takok anguba sülen, iba asayamung final tongogo.

Deobarnü (05.11.2021) World champion aser anaben

Olympic medal anur Sindhu-i South Korea tsür An Seyoung den final asayatsü.

Taküm badminton season tatemububa nung Sindhu-i tasembenbuba final tongtetter asütsü. 2018 küm Sindhu-i iba asayamung takok ngua lir aser iba jenjang ajangzüktetter India nung rongnung la mezüing kümogo.

Taküm Tokyo Olympics nung bronze medal anguba sülen, Sindhu-i asayamung balala nung junga asaya arudar. BWF World Tour Finals nung shilem magidang, Sindhu-i tongtibang asayamung asem - French Open, Indonesia Masters aser Indonesia Open - semi-final tongteta asayaago. Ano, taküm March ita Swiss Open asayamung nunga lai runner-up jenjang ajangzüktet.

Iba asayamung semi-final densema Sindhu aser Yamaguchi na 21ben asayar asütsü aser Honibarnü Sindhu-i takok anguba sülen, lai Yamaguchi madak asaya 13 (13-8) nung takok angur asütsü.

Kasa asayamung tebur kija semi final nung India nung Lakshya Sen aser Olympic champion Viktor Axelsen na asaya liasü. Iba asaya nung Lakshya-i 13-21, 11-21 agi Viktor makok.

2022 CWG nung India hockey team asayatsü

New Delhi, Luchii/December 04, 2021 (Agencies): Sangküm (2022) Birmingham Commonwealth Games nung India-i Hockey team anaprongla shilem magidaksütsü asoshi lemtetba meyipa agiogo aser parnok (tetsür aser tebur team) qualify süra iba asayamung nung shilem agitsü, ta Honibarnü Commonwealth Games Federation (CGF) ketdangsür kati ashi.

Covid-19 dak sendakba timtem balala den Birmingham Games aser Hangzhou Asian Games (2022 Paris Olympics atema qualifying asayamung) tsüingda mapang tatsüka dang adokba ajanga taküm küm tetenzüklen Hockey India-i 2022 CWG nung shilem magitsü telemtetba agia liasü.

Indian Olympic Association President Narinder Batra aser Sports Minister Anurag Thakur nati team tem qualify süra CWG hockey asayamung nung shilem agidaksütsü renema lir ta metetdaksüba sülen, 2022 CWG nung India Hockey team

anaprongla yoktsü asoshi telemtetba agi.

Birmingham CWG ya Sangküm July 28 nungi August 8 tashi asayatsü aser Asian Games ya September 10, 2022 nungi tenzüksü.

"Team ka danga qualify süra mali, saka IOA-i CGF President dang team tem qualify süra parnoki (IOA) agizüksü shia lir, koba team anaprongla qualify asütsü teimla lir," ta CGF ketdangsüri ashi.

"Iba maparen nung India Sports Minister-a dena lir aser pai kanga ajungshia aruogo. Team atema CGF President (Dame Louis Martin)-i IOA President den jembidar," ta pai ashi.

Birmingham Games nung shilem agitsüpur linüktem (qualified nations) ano mesangdong aser sangküm February tashi nung team tem sangdongtsü.

Taküm Tokyo Games nung, otsütsüsa Indian men's hockey team-i bronze medal angu. Ajisüaka, tetsür bronze play-off nung India tetsür team-i 3-4 agi Great Britain makok.

Davis Cup: Croatia-i Serbia tsükdaksü

Madrid, Luchii/December 04, 2021 (Agencies): Grand Slam title 20 takok angur Djokovic-i David Cup title tanabuba akoktsü meranga asaya liasü, saka Hokolbarnü, tebur tarep semi final nung Croatia-i Serbia tsükdaksüba sülen pa teimla ajunga raksadok.

Davis Cup final tongtetsü atema, world no. 1 (doubles) aser Tokyo Olympics den Wimbledon Champion Croatia nung Mate Pavic aser Nikola Mektic nati 7-5, 6-1 agi Djokovic den külem Serbia nung Filip Krajinovic na tsükdaksü.

2005 aser 2018 Davis Cup takok angur Croatia team-i Deobarnü Russia mesüra Germany den final asayatsü.

Serbia team semifinal tongtetsü atema, taoba round nung Djokovic-i Marin madak takok angu. World no.1 Djokovic, shibai 2011 küm nungi iba asayamung kija tetoktepba ka nung danga tamakok mengui asaya aruogo, pai 6-4, 6-2 agi Marin tsükdaksü. Djokovic-i 19benbuba atonga Davis Cup singles takok

angur asütsü.

Iba asayamung mezüing round nung Croatia nung Borna Gojo-i (World no. 279) world no. 33 Serbia nung Dusan Lajovic madak 4-6, 6-3, 6-2 agi takok angu.

Taoba mapang World no. 3 aser tang World no. 30 Marin Cilic-i Djokovic indang serve nung break point 8 tashi agitsü maongka angu, saka pai break point ka danga mengutet.

US Open final makokba den taküm season tatemububa asayamung (Davis Cup) nung Djokovic-i tamakok tamakok angur asütsü. Tokyo Olympics nunga mezüing gold medal angutsü teimla nung Djokovic asaya liasü, saka pa tebilemba matalok.

Ajisüaka, Djokovic-i Roger Federer aser Rafael Nadal na indang Grand Slam title 20 menepa asayaago aser season tembanga pai tenetbenbuba atonga world no. 1 jenjang ajangzüktetba den hopta 350 tashi pai top ranking nung temaba jenjang tongtetter asütsü. Djokovic-isa Masters titles 37 tashi koka lir.

1buba Dimapur District Chess Championship 2021 asayatsü



Dimapur, Luchii/December 04, 2021 (TYO): 1buba Dimapur District Chess Championship 2021 ya December 13 nungi 14, 2021 tashi Tourist Lodge, Dimapur nung ayongzüksü terenemba lir, ta sangdong ka ajanga Dimapur District Chess Association, General Secretary, Mughato K Kibami-i metetdaksü.

Iba Chess Championship asayamung nung alakteta tejaoker ama State Chess Instructor YSR Govt. Nagaland aser All India Chess Association (AICF) indang Joint Sec-

retary, Mughato Awomi aruagi adentsü.

Iba championship atema category ana - OPEN aser U-16 category lemsar asayatsü.

U-16 asayartemi Aadhar card/pan card/school I.D sayutsüla. Ano, category anaprongla atema asayartemi colony/village indang G.B/Chairman ajanga sign asüba Permanent Residential Certificate sayutsüla aser asayar ajak Dimapur district nung alirtem asütsüla.

Iba Chess Championship atema entry fee - Open cat-

egory - sen 700 aser U-16 category - sen 300 asütsü.

'Best female player', 'best veteran player' aser 'young emerging player' atema smepet talila agütsütsü. Iba den külemi, Chess Championship nung senpet ajak sentepa sen 60000/- agütsütsü renema lir.

Anungji, iba Championship nung shilem agitsü tejangrartemi Tourist Lodge, Dimapur mesüra Vice President DDCA Akhilesh Kr Singh indang (Axis Bank) A/C.No. 920010041355154. Ifsc - UTIB0000378 mesüra @G pay - 8415003916 nung register asütsü akok.

Shilem agitsüpur temi December 11, 2021 aonung 6:00 ako tashi register asütsüla.

Dimapur District Chess Championship 2021 asayamung dak sendakba nung osang tejangja agitsü atema item ph no - 8732883086 /7005268269/7005157622 nung tongteprateptsü akok, ta kasa sangdong nung shia lir.

NBA-i Dec. 8 aser 17 nung Selection Trials agitsü

Dimapur, Luchii/December 04, 2021 (TYO): State Senior Men atema, Nagaland Basketball Association (NBA)-i December 08, 2021 nü Kohima aser Dimapur nung Selection Trials tatemububa atonga agitsü terenemba lir, ta sangdong ajanga Nagaland Basketball Association, Secretary, Zasivi Meyase-i metetdaksü.

Kohima 'trials' ya Bodhbar (08.12.2021) nikongdang 2:00 akok nungi Christ King Higher Secondary School nung tenzüksü. Kasa anogo Dimapur atema 'trials' ya nikongdang 2:00 ako nungi Basket Court, Phom Colony, Signal Bosti nung agitsü.

Iba final trial' tatemububa nungi asayar 16 shimtsü. Parnoki (16) Senior Zonal National Basketball Championship (Northeast zone) nung State tenüing nungi shilem agitsü. Senior Zonal National Basketball Championship (Northeast zone) ya Shillong nung December 16 nungi 19, 2021 tashi asayatsü.

Ano, State Junior Boys atema tatemububa selection trials ya December 17, 2021 anogo nikongdang 2:00 nungi Christ King Higher Secondary School, Kohima nung agitsü, ta kasa sangdong nung shia lir.

Mezüing trails nung shimer asayar (probables) 24 dang iba

trial' tatemububa nung adentsü asoshi mepishir. Ano, sangküm January 4 nungi 10, 2022 tashi Indore, Madhya Pradesh nung ayongtsü aliba Junior National Championship nung Nagaland tenüing nungi shilem agitsü asoshi asayar 12 shimtsü. Trial agiba tesem nung asayartemi Aadhar Card aser Birth Certificate sayutsüla.

Iba trials' dak sendakba nung osang tejangja agitsü atema item ph.no - Kohima: +91 94360 16529/84139 94697 aser Dimapur: +91 98640 34256/70056 20288 nung tongtepratepang, ta Meyase-i metetdaksü.

Likho Sangma-i Hornbill Shot Put kokogo



December 4, 2021 nü Heritage Village, Kisama nung Hornbill Traditional Shot Put tetoktepba nung Likho Sangma-i takok angu.

Kohima, Luchii/December 04, 2021 (TYO): Hornbill Festival sentong shilem ama Honibarnü, Heritage Village, Kisama nung 'Traditional Shot Put' tetoktepba ayongzüka liasü, ta sangdong ajanga metetdaksü.

Iba tetoktepba ya Department of Youth Resources & Sports-i ayongzüka liasü, kong nisung 15

agi shilem agiogo.

Shot Put tetoktepba nung Garo kin nungi Likho Sangma-i mezüingbuba jenjang nung takok angu. Kasa tetoktepba nung Kuki kin nungi Jangsat Hangsing aser Zeliang kin nungi Tsaptsi Kapui nati tanabuba aser tasembuba jenjang angu, ta sangdong nung shialir.

BILEMDANGANG

Nükjidong makai aoba telok nung rongrong teti alitsü."